

欽定剿平三省邪匪方略

欽定剿平三省邪匪方略正編卷二百三十

辛酉年

正月十三日

庚寅

長麟奏言竊

臣

前帶兵由黃官

嶺拔營馳赴西路剿辦樊逆賊匪該逆由武關

西溝竄往黑河一帶可由陽平關直入甘境

臣

趕往剿辦既須抽調兵勇且距賊蹤稍遠誠恐

不能抄至賊匪西面或致乘虛闖入甘省則冬

一省蹂躪卽多一路牽綴當於十二月二十八

日派委原任副都統候補佐領和興額叅將張  
應魁羅全亮等帶領馬步兵勇先行趕緊馳往  
囑其尋覓捷徑抄至賊匪西面務將陽平關護  
住俾不致賊匪竄入

臣

一面連夜催調兵勇卽

於初一日由沔縣沮水一帶自北向南兜剿途  
次據報該匪由黑河寨出大安向東南狂奔已  
至母猪壩相距鐵鎖關僅數十里一過鐵鎖關

即可竄入川境詎該匪等不肯入川假意向東南奔跑計圖誘令官兵追向東南該匪等甫抵母猪壩卽突然翻山折向西北飛竄有由陽平關畧陽一帶竄入甘省之勢和興額張應魁羅全亮等已經探知前情卽星馳趕至寬川地方潛伏山後僅令鄉勇一二人在於山頂哨探賊匪竄入寬川我兵突起喊殺賊匪一見官兵仍

卽折向南奔我兵追至五丁關賊匪搶上對面  
山梁恃險抗拒我兵亦俱搶佔山梁冀將賊匪  
逼過五丁關以南免致又竄甘省和興額等鼓  
勵兵勇奮力攻撲詎該匪總欲奪路北竄不肯  
經過五丁關捨死衝突自午至申往來衝壓數  
次我兵人人憤恨和興額帶領馬隊將北竄大  
路截住羅全亮等分兵兩路左右攻擊鎗礮如

賊用力過猛右膀舊傷震破侍衛成善腰受石傷一處頗重右腿亦受石傷一處其餘兵勇亦間有傷亡容俟查明咨部

臣

正在繕摺間適接

額勒登保來信以楊遇春綸布春汪啟等現在

追剿樊冉等股囑

臣

協力剿辦查樊逆賊匪已

經逼剿入川其冉逆賊匪仍在南山以內併據探報楊遇春綸布春等又復折回石泉境內是

賊匪又有東竄之勢臣趕緊進山偵探賊蹤或

應與楊遇春等合力截殺或應分路兜剿務竭

盡心力相機妥辦俾額勒登保不致分心兼顧

以冀迅就掃除又臣接慶成來信川省竄來兩

股賊匪現在巴山簡池壩等處遊奕距鍾家溝

卡隘不遠經官兵堵截退回尙未遠遁又一股

賊匪竄至小祥壩塔壩河滋擾縣丞李晶都司

張俊帶領兵勇截擊殲斃執旗賊目一人殺死  
餘賊數人生擒三名逃出被裹男婦二十餘人  
賊匪敗竄又經何家寨居民施放滾木墜石擊  
斃賊匪八人餘賊遁入老林藏匿未致北竄又  
一股賊匪由紫陽竄入王瓜溪經總兵胡定泰  
帶兵截擊該匪仍折向東奔等語至東路龍苟  
等逆賊匪分爲數股竄至目連橋曹家壩金山



梁洞汝二河等處滋擾並有衝突江岸者經領  
勒亨額督兵施放連環悉力轟擊賊匪卽退上  
山梁潛匿現在總兵喜明馬玉魁革職總兵柯  
藩帶領官兵由馬鬃嶺截剿藩司溫承惠帶領  
馬隊並鄉勇從銀硃壩趕赴吊陽關堵截緊顧  
東面又徐添德一股賊匪已竄至平利屬之草  
廟子廣木洞等處距平利城四五十里又前白

安康五塊石過江之高馬等六股賊匪已由渭  
子溪竄至紫陽屬之五郎坪林本河一帶額勒  
登保因漢江南北均有賊氛是以卽由漢陰之  
雙乳鋪地方在東面兜截兼顧江岸至前與伍  
懷志合夥之冉逆小股賊匪今又分股奔竄伍  
逆賊匪仍在黃官峪左近老林內藏匿遊擊綽  
克圖候補通判雒昂現已帶領兵勇趕往搜捕

又據探報叅贊德楞泰亦於正月初一日由西  
鄉趕赴石泉一帶相機剿辦又南鄭褒河寧羌  
一帶防堵事宜遠距西鄉六七百里先經臣札  
商慶成亟須添派大員一人督率總兵楊奎猷  
觀祥二人在彼堵禦庶較嚴密茲據慶成覆信  
現已報明經畧額勒登保添派副都統慶祺趕  
赴漢南督率堵禦奏入

上命軍機大臣傳諭長麟曰樊人傑一股由黑河竄  
出後不肯入川假意向東南奔逃欲誘官兵追趕  
乘間西竄長麟察探賊情於新正初一日帶領兵  
勇自北向南兜剿在五丁關地方斃賊四百餘人  
生擒六十餘名散出被裹難民四五百人賊匪翻  
山直奔寧羌州復經兵勇追殺二十餘里該逆始  
由老林竄出奔入四川廣元縣境所辦尙好長麟

於賊匪剿敗後防其折竄仍在邊界防堵竟日差  
探賊蹤去遠始行撤回但賊蹤詭詐雖被官兵逼  
向廣元其意未必卽肯入川或見官兵業已撤回  
又復折而西竄擾及甘境亦不可不防向來各路  
帶兵大員剿辦一股賊匪勢已殘敗奔逃或因他  
股賊匪需兵剿捕又復舍而他顧以致殘敗之賊  
無兵追躡仍復輾轉蔓延前功盡棄最爲五年以

來軍營通病長麟係陝甘總督自不責令遠離本境追剿入川然必須酌派勇幹大員帶領兵勇駐劄邊境不使賊匪復又西竄方爲妥善至冉逆一股現在南山以內有東竄之勢長麟以楊遇春綸布春等已折回石泉隨趕緊進山偵探賊蹤或與楊遇春等合擊或分路兜剿自應如此辦理其或分或合之處惟在長麟相機妥辦朕亦不爲遙制

但賊匪欲圖東竄長麟若由西面進擊倘賊匪因  
逼剿緊急轉向東北奔竄勢必擾及鎮安商州一  
帶長麟自應酌量情形繞至北面迎截將賊匪驅  
逐向南逼過漢江或由寧河一帶入川方可易於  
搜捕長麟務須熟籌妥辦勉力奏績毋令賊趨東  
北爲要至所奏徐添德一股賊匪與高二先後竄  
出楚境昨已據額勒登保具奏情形相同自屬確

實惟書麟等尙未奏到業經降旨將徐逆一股專  
交長齡明亮剿辦徐添德竄入陝境後長齡等自  
必跟蹤追擊足資剿捕也所有此次在五丁關打  
仗殺賊之候補佐領和興額帶兵攔截大路手刃  
三賊因用力過猛將右膀舊傷震破實爲奮勇出  
力和興額著加恩賞給協領銜遇缺卽補以示鼓  
勵侍衛成善亦受石傷二處曾否平復並著遇便



覆奏其撲賊力戰陣亡之防禦明興都司宋英五  
品軍功原任守備孟嘉勇俱著咨部賜卹

十四日 辛卯

上命軍機大臣傳諭額勒登保德楞泰曰自剿辦教  
匪以來兵勇等打仗殺賊備歷艱辛屢著勞績節  
經加恩賞資俱交帶兵大員傳旨賞給但朕屢念  
伊等日久勤勞無時或釋茲特派大理寺少卿窩

星額太僕寺少卿裘行簡資銀十萬兩馳驛前往  
經畧叅贊軍營著額勒登保德楞泰查明出力兵  
勇按名賞給並會同宣旨以此項銀兩係特派欽  
差資銀犒勞周歷拊循俾兵勇等咸喻朕軫卹戎  
行格外加恩之意自必倍知鼓勵踴躍爭先於現  
在剿捕事機更爲有益並著高星額裘行簡帶去  
珊瑚豆黃瓣大荷包一對小荷包四個綠玉帶頭

一副賞額勒登保珊瑚豆黃辦大荷包一對小荷包四個鑲玉帶頭一副賞德楞泰珊瑚豆黃辦大荷包一對小荷包二個賞楊遇春又四喜玉搬指五個玉搬指十個堪達罕搬指十個玻璃搬指五個瑱瑯管十個花翎十枝皮搬指套五個眼罩五個大小荷包各三十對交經畧叅贊會同窩星額襲行簡分賞出力帶兵人員以示省念勞臣恩

施無已至意至各路軍營剿賊已及五年雖招撫之旨屢下而真賊投出者甚少現在賊首如徐添德王廷詔爲起事首犯其高二馬五高三屢經戕害大員於諸賊中最爲兇悍此五犯自知罪大惡極卽聞有投出免死之旨未必肯信亦萬無准其自首貸以一線之理轉無庸再爲招致惟有速行擒戮殄此渠魁其餘賊匪自必日就解散著經畧

叅贊等通行曉諭軍營此五逆中有能殲擒一名者官員則加二等超擢若係兵勇則超補守備賞銀二千兩如賊隊中有自行縛獻者不但免其從逆之罪並加恩拔用千總賞銀一千兩其餘如樊人傑冉學勝龍紹周苟文明等若悔罪投出尙可貸其一死若臨陣殲擒一名官員則加一等陞擢若係兵勇則拔補千總賞銀一千兩如賊隊中有

得獻樊人傑等逆者免其治罪外並加恩拔用把  
總賞銀五百兩使官員兵勇知有逾格賞擢咸思  
奮勉立功卽賊匪駁黨聞知此信交相傳說自必  
互生猜忌紛紛解體況各首逆親信黨與始終固  
結者自屬無多其餘皆係裹脅之人本無固志易  
於搖動知有此旨旣能自贖前罪又可受賞得官  
豈有不盡思縛獻兇渠免罪立功之理額勒登保

德楞泰務須實心妥辦廣爲曉示並設法傳播賊  
營不可使奸細潛行揭去仍致賊匪無從周悉也  
至賊夥縛獻首逆時其距經畧叅贊軍營較遠者  
自必送交就近帶兵將領軍營及沿途卡隘並著  
經畧叅贊傳諭帶兵將領及各卡隘員弁不可誤  
爲已功務卽據實報明經畧叅贊具奏朕必將該  
員弁等一體加恩若本係賊夥獻出首逆該員弁

等捏稱擒獲邀功一經查出必嚴行治罪此時額勒登保德楞泰自已會合一處熟籌善策務當遵照節降諭旨上緊實力剿辦總以顧住東北逼向西南將各股賊匪於三月以前一律掃除肅清川陝當計日以待捷音之踵至也

臣等謹案剿捕邪匪已閱五年官兵爲所牽綴轉戰萬山之中衝冒瘴霧重趼疾走其勞



苦自不待言蒙

皇上體卹優加

頒資稠疊此次

特命大員賁銀分賜凡在戎行孰不感而思奮又以  
賊首尙稽面縛懸示賞格甚至從逆之徒果  
能擒獻立功亦蒙

賁其前罪

嘉與維新仰見

威稜格被無非

仁聞昭宣敵愾同心如響斯應是以數萬兇頑授首  
駢繫不屯疾風之掃蕩也

上又命軍機大臣傳諭伯麟曰朕念軍興以來各路  
兵勇打仗殺賊實爲勞苦茲特派大理寺少卿竊  
星額太僕寺少卿裘行簡前赴額勒登保德楞泰

兩路軍營頒賞以示體卹其頒賞銀兩若由京賁  
往道途紆遠未免稍稍稽時日著伯麟卽於藩庫內  
動撥銀十萬兩遴委妥員先期解至蒲州守候俟  
嵩星額裘行簡到時仍令原委各員小心護運隨  
同前往至此次動撥之項如可無需歸款則已倘  
該省尙有別項支放不敷之處該撫據實奏聞卽  
由部庫照數撥還

十五日<sup>壬辰</sup>額勒登保德楞泰奏言竊<sup>且</sup>德楞泰

因在西鄉接獲額勒登保知會就近前來軍營

會商一切遂自石泉漢陰於初四日趕至雙乳

舖營中面晤伏思連年辦理賊匪未能速靖上

煩

聖慮仰蒙

皇上隨時訓示無意不周<sup>臣</sup>等俱身膺重任焦憤萬

狀不惟不敢稍分畛域亦不敢稍避嫌疑惟當  
合力同心速圖蒞事而賊匪朝夕更變一切機  
宜尤應隨時酌定以目下各處賊勢而論如徐  
添德及黃號等股賊匪已出楚境卽有零星竄  
匪亦屬無多是楚省尙輕樊冉各逆竄入棧中  
是否入甘亦在未定川省東北雖有敗殘餘股  
未經散漫現在最爲著重者莫過於陝之漢江

以北及川陝交界之安康西鄉紫陽等處兼之  
江北賊匪稍有疎漏則由商雒一帶即可入豫  
由漫川關一帶又可入楚關係非淺臣等本擬  
卽行分兵先剿高三馬五王廷詔等股適又據  
探報徐添德并黃號賊匪已自洵陽地方過江  
該處更與豫楚邊界相近亟應兜剿是以臣等

熟商臣德楞泰帶領官兵卽赴洵陽一帶緊顧

東面闌入豫楚之路竭力剿洗

臣

額勒登保先

已派令穆克登布豐紳等緊躡高三王廷詔等

逆由松樹壩一帶而進仍親自帶兵趕往督剿

並先顧東北前途與德楞泰或分或合視賊之

趨向再定至現在楚境之賊勢固輕而賊之蹤

跡未能決其必不入楚仍須戒備所有長齡明

亮帶領馬隊官兵皆爲勁旅未便僅令防堵又

查前有原任總兵李紹祖帶去楚北川兵一千

餘名

臣

等已札致長齡明亮一併帶領於陝楚

邊界相度賊情剿辦其楚省原有之兵悉歸書

麟統轄責成倭什布孫清元德昌等照舊分設

卡隘嚴防至由棧道竄去樊人傑冉添士王士

虎冉學勝等股賊匪楊遇春格布倉等已在緊

躡追剿接准督臣長麟來信亦已帶兵入棧現



將南鄭寧羌等處防剿之事全歸慶成統率專辦等因楊遇春等若能將樊冉等匪就地剿淨固屬甚善卽或該匪竄至甘省既有楊遇春格布舍緊擊長齡亦帶有馬步官兵更可協辦且長麟相繼入甘則糧餉等事並可無虞缺乏倘將賊匪逼歸川北楊遇春等緊跟入川剿辦長麟又可在原防地方督率堵剿再川省情形嘉

陵江尤爲緊要。若該匪等或致闖入川西實不

成事。

臣

等已嚴飭許文謨趙得功等務須緊截

江岸并札致勒保七十五嚴飭各該處防江文

武并地方官逐段撤去船隻加意防範現在高

三馬五王廷詔徐添德等逆俱在漢江之北於

各股中最爲狡猾兇悍

臣

等乘此兵威分投盡

力趕剿仰仗

皇上福庇如卽以次掃蕩漢南之賊自更聞風膽落  
易於殲洗大局可定此

臣

等會商剿辦之情形

也然緊剿之外必須到處團寨以絕賊擄糧掠  
人之念更可收事半功倍之效川省因上緊團  
寨大有明驗愚民無知向有團勇之名彼且疑  
爲藉以殺賊往往心存畏縮此時并不必言團  
勇但言團寨百姓各有身家譬如尋常高築墻

垣以禦寇盜人自樂從從前陝省亦有寨洞總  
未齊全往來路傍結寨尙多其偏僻之處寨落  
稀見所以賊匪翻山越嶺仍得恣其擄掠又因  
寨之事民間力量不齊全在設法勸導調劑僅  
責令本管地方州縣辦理誠難周密故督撫等  
未嘗不三令五申仍復因循遲緩應派委妥員  
分段承辦方可迅速現在欽奉

諭旨酌令藩司溫承惠回任辦事臣等查藩司係通

省大員又爲錢糧總漕之地得有本任專辦較

爲妥協溫承惠前由道員帶領鄉勇在安康一

帶堵賊疊沐

恩施該員倍加感奮屢有斬獲因此連年留駐而究

係文職衝鋒打仗非其所長今臣等擬將該司

所領鄉勇均歸原任總兵柯藩管帶仍在安康

一帶堵賊遵

旨卽令溫承惠回任一面辦理糧餉清查款項一面  
兼辦地方事件以重責成至溫承惠旣回本任  
則署藩司台斐音可以空出所有陝省團寨之  
事有如鳳縣寶雞整屋郿縣各峪口以外現有  
山西臬司王文湧在彼堵禦該員本係鳳郿道  
此一帶民情地利最爲熟悉其未經團寨之處

卽責令該司承辦外其紫陽安康平利洵陽白  
河等縣在在與川楚連界尤關萬緊查台斐音  
前以疎防之案降爲鳳邠道

臣

額勒登保本知

其在陝年久且聞該員署理藩司諸事認真而  
於辦理朝邑藍田賑務小民均沾實惠頗得衆  
心此一帶卽責成台斐音前赴興安督辦并可  
催運糧餉實爲得濟又商州山陽鎮安一帶尙

有未經修築堡寨該州知州陳邵素稱能事卽責令該員趕緊補築再各該處地方遼濶非多委正佐各官分投緊辦不能剋日完整應卽令王文湧台斐音等稟請撫臣陸有仁派委將來各委員如實在出力原當保薦未補缺者先行補缺應陞者卽應陞用其疎忽玩悞者並卽叅處用示勸懲總以兵過賊淨之處普行修築寨



落旣多糧食俱可收貯卽百姓貿易趕集之事  
亦可不致分散任賊滋擾殺賊本以安民先將  
百姓安定賊匪無從窺伺而各路官兵又皆竭  
力剿辦地方自歸寧謐其楚北以及甘肅等省  
尙有須添補團寨之處臣等亦卽咨明書麟長  
麟等一體妥辦

額勒登保又奏言竊

臣

接准陸有仁咨稱派委

漢中府知府趙洵將關騰提解前來恭宣

諭旨革職拏問訊據關騰供稱賊匪樊人傑再添士  
等竄近江岸時實曾在大紅石江岸親身督率  
弁兵將賊擊退因賊匪分股竄至茶鎮相隔遙  
遠未及兩處兼顧致被搶渡但茶鎮本是所管  
汛地賊既竄過願甘治罪等情查上年總兵索  
費英阿因防堵不嚴任賊竄過奉

旨於軍營枷號俟軍務告竣再行發往伊犁此案已  
革總兵關騰於賊匪竄至茶鎮江岸搶渡不能  
趕往認真堵禦實有應得之咎惟細核案情賊  
匪係先撲大紅石江岸該革鎮曾親身督率兵  
丁將賊擊退維時賊已分股竄往茶鎮其勢不  
能兼顧以視索費英阿之任賊竄過情罪稍覺  
有間應請將關騰發往伊犁効力贖罪等語

詳核陸有仁所擬情真罪當應請

旨將革職總兵關騰發往伊犁効力贖罪以昭炯戒  
均奏入

上命軍機大臣傳諭額勒登保德楞泰曰額勒登保  
德楞泰奏會商趕緊剿辦賊匪情形所議俱妥高  
三馬五王廷詔已先後竄至江北而徐添德并黃  
號賊匪亦自洵陽地方過江此數逆在賊匪中甚

爲狡猾兇悍今經畧叅贊兩路之兵最爲趨健現  
俱會合一處該逆適接踵竄入江北實屬自投羅  
網爲極好機會額勒登保與德楞泰會同商定德  
楞泰帶領官兵卽赴洵陽一帶緊顧東面擊剿徐  
添德及黃號股匪額勒登保先派穆克登布豐紳  
等緊躡高三馬五王廷詔等逆亦卽親自帶兵趕  
往督剿二人注意專剿此兩股劇賊與朕意適相

臆合覽奏深爲欣慰如能將此兩股兇逆以次掃  
蕩其漢南之賊自必聞風膽落更易殲除大局卽  
可辦定額勒登保德楞泰務須倍加奮勉顧住東  
北將各股賊匪逼向西南或分或合相機趕剿遵  
照昨旨懸立賞格務將徐添德等一一殲擒於三  
月以前尅期辦竣同膺懋賞額勒登保德楞泰必  
須言與行符成功迅速不可又稱別股賊匪緊要

舍而他顧以致專剿之克逆不能殲除淨盡復任  
輾轉奔逃此兩股最要之賊非經畧叅贊二人精  
銳之兵無能辦竣者勉之望之至徐添德竄出楚  
境由洵陽過江一節尙未據書麟等奏到或卽係  
高二冒名徐添德潛行逃竄亦未可定但高二亦  
係著名首逆亟須搜捕額勒登保總當乘此兵威  
聚集之時奮力殲除江北衆賊勿令稍留餘孽至

楚省賊匪現已陸續出境長齡明亮等所帶馬隊官兵皆爲勁旅自未便僅令防堵額勒登保等已札知長齡明亮令將原任總兵李紹祖所帶之官兵一千餘名一併帶領於陝楚邊界相度賊情剿辦自應如此布置高馬等各逆本係長齡明亮原辦之賊因未能堵截致令竄入江北長齡等卽不能辭咎此時不但長齡等所帶勁兵應令在陝楚



邊界堵剿卽長齡明亮二人亦當令其前赴陝境  
協同奮擊以期立功自贖至所奏設法勸導民人  
團寨禦賊及令藩司溫承惠回任辦理糧餉地方  
等事並將未經團寨之處責成王文湧台斐音等  
督率承辦分別懲勸籌畫均爲妥協俱照所奏辦  
理惟前次高馬股匪在安康五塊石地方踞淺過  
江旣無官兵防範任其竄渡今徐添德黃號賊匪

又自洵陽過江該處豈無防守之員何以毫無堵禦又任北竄著額勒登保等卽查明此二處賊匪偷渡地方係何員在彼防堵一併嚴叅辦理以示懲儆至所奏查審疎防賊匪之已革總兵關騰請照陸有仁原擬將關騰發往伊犁効力贖罪等語實屬罪所應得但朕聞關騰在軍營帶兵尙爲奮勉且前此樊冉等逆竄近江岸時關騰曾經擊退

因賊匪分股奔竄相隔較遠未能兩處兼顧致被  
搶渡其咎稍有可原此時若卽發往伊犁轉得置  
身事外著額勒登保將關騰暫留軍營作爲兵丁  
如果出力俟大功告成酌量加恩如再有疎懈卽  
行據實具奏加倍治罪

同日陸有仁奏言竊

臣

接據探報樊逆賊匪由

黑河竄至畧陽縣城下經兵勇擊退後卽由道

嶺溝奔出寧羌大安一帶督臣長麟派令佐領  
和興額叅將張應魁等帶兵截擊賊卽折回欲  
由陽平關一路逃竄其地可由嘉陵江而至龍  
安長麟復派兵赴寬川五丁關一帶將賊衆向  
南通剿計殲斃四百餘名生擒六七十名防禦  
明興都司宋英五品軍功孟嘉勇力戰陣亡賊  
匪竄至寧羌州城外該州知州馮裕定率領鄉

勇放鎗轟擊適防守叅將李殿元遊擊王興朝  
等帶兵趕到剿殺賊卽由黃壩驛麥子坪竄入  
川省廣元境內又冉逆賊匪自石泉之土門溝  
竄至洋縣之窰窩子地方經楊遇春等緊躡追  
擊大獲勝仗賊卽從邵家溝一帶竄至城固之  
板櫟河綸布春汪啓等由茅坪一路堵截長麟  
亦擬自褒城一帶相機探剿又川匪兩股竄至

西鄉巴山林簡池壩一帶經慶成派兵截剿隨即退回又小祥壩塔壩河賊匪一股經該處防守縣丞李晶都司張俊截擊頗有斬獲賊復竄至固縣壩攻撲盤龍寨復經李晶張俊奮力殲擊賊匪敗竄復經何家寨民人施放滾木壘石擊斃賊匪八人賊卽向星子山一路逃竄又紫陽賊匪一股竄至西鄉小河口王瓜溪一帶經

總兵胡定泰派兵擊剿賊卽折回東竄又五塊石過江之賊卽係高三馬五王廷詔現竄至安康五陽河一帶經畧額勒登保督率官兵在櫻桃垭刷河仙月寺七里溝鳳凰山等處連得勝仗殲斃賊匪自二三百名至五六百名不等餘匪竄過雙乳鋪已入北山老林經畧大兵緊躡剿辦叅贊德楞泰由西鄉石泉馳赴漢陰與經

畧會商後適因徐添德一股賊匪已由洵陽西  
淺過江德楞泰先帶兵馳赴東路截剿又龍紹  
周苟文明王光祖等股賊匪經喜明溫承惠帶  
領兵勇截剿連得勝仗將賊首王光祖用礮擊  
斃賊匪西竄紫陽在天星寨下屯紮經寨上生  
員舒泰挑帶義勇直撲賊營斃賊三十餘名搶  
獲刀矛大旗十數件賊匪竄至太平邊界喜明



等分投追捕又伍逆賊匪一股在寧陝廳屬之黃官峪一帶與冉逆分出零股三百餘人合夥署叅將綽克圖通判雒昂帶領兵勇探蹤剿辦查此時南山以內賊匪惟高三馬五王廷詔及徐添德兩股最爲狡悍現在經署叅贊兩路勁兵分投剿辦自可尅期得手此兩股一經殄滅則冉逆及伍逆更可分兵以次殲除大局卽可

不致散漫惟寧羌洮縣南鄭一帶邊卡尙須加  
意嚴防慶成因西鄉正在緊要已呈請經畧酌  
派副都統慶溥前來率同總兵楊奎猷觀祥分  
布防堵慶溥現會同喜明等剿辦龍苟等股匪  
若能迅速趕到漢南於邊防實有裨益至  
臣自  
去冬抵陝以來仰蒙

皇上垂念軍需緊要不待奏請撥發山東江西廣東

山西餉銀一百萬兩又撥江西米十萬石糧餉  
既已湊手不過派員分運各路軍營原非難辦  
之事惟是陝省近日情形實有較前十分棘手  
之處臣雖殫竭心力撙節籌辦尙難保無貽悞  
者緣軍興已經五載漢中興安商州一帶倉貯  
久空江西米石由楚運陝均係逆流而上現在  
有甫到興安者有尙在鄖襄者漢中沿邊一帶

防兵口糧每日不下七八百石仍係隨時購買  
上年秋收稍薄糧價已數倍於前且食物騰貴  
賊匪出沒無常運糧人夫既恐遇賊戕害又復  
餬口不敷卽如留壩褒城等廳縣因屢被賊擾  
百姓逃散運糧四斗每站給與錢三四百文尙  
無人可僱其他各處亦俱較前倍增總緣爲時  
稍久民力日疲官不能強以所難勢不能不增

其價值至餉銀一項上年春間經畧大兵未入  
陝境之前曾經台布通盤核筭奏明每月約需  
銀五十萬兩及大兵旣來五十萬兩不敷支放  
未免前缺後空是以台布交卸時旣有挪用司  
庫例餉銀六十餘萬兩又奏明拖欠各州縣墊  
辦兵餉日食運腳等項銀二十餘萬兩臣到陝  
時所撥晉省餉銀僅存七十萬兩若盡數歸還

例餉所餘更屬無幾斷不能支應軍營要用隨  
一面據實奏

開約計至歲底尙需銀一百萬兩一面卽於應還例  
餉內撥出銀四十萬兩分解漢中興安兩處以  
供上年十月分軍餉之用至所撥山東江西廣  
東山西四省餉銀現在僅解到山東山西銀四  
十五萬兩其廣東江西五十五萬兩尙未解到

連月以來百計部署幸得兵餉無缺而各州縣  
應領運脚以及應找防兵鹽糧鄉勇口食等項  
自台布任內積欠至今每處二三萬兩至六七  
萬兩不等俱係地方官隨時竭力籌畫刻下各  
廳州縣紛紛請領殆無虛日所用又俱係實賑  
若不量爲酌發則下月所需各該員無處通挪  
勢必貽悞昨奉

諭旨准撥豫省餉銀三十萬兩約正月內可以到陝  
而應還例餉係各營防兵及征兵家口養贍之  
需年內必須給發其勢又難以挪移接濟軍餉  
此時叅贊大兵又復來陝糧餉更增於前即使  
廣東江西餉銀剋期解來而一到卽完計算尙  
不敷支發其二月分各路軍餉又屬毫無所指  
種種情形實屬左支右絀此皆臣分內應辦之



事惟有竭心思智慮之所能設法籌辦不敢一  
息少懈不敢一事稍疎以期不致稍有缺誤奏  
入

上命軍機大臣傳諭陸有仁曰陸有仁奏樊逆一股  
由黑河竄至畧陽等處折回陽平關經長麟派兵  
赴寬川五丁關一帶向南逼剿殲斃多名又高三  
馬五王廷詔等逆竄至安康五陽河一帶經畧額

勒登保連得勝仗等語與額勒登保長麟等所奏情節大約相同其奏冉逆一股竄至洋縣窑窩子經楊遇春等緊蹙追擊得有勝仗及龍苟等股賊匪經喜明溫承惠等截剿得勝並用礮擊斃賊首王光祖等語此信未聞想捷報俱已在途不日自可遞到至所奏籌辦軍餉一節現在高三馬五王廷詔及徐添德等大夥賊衆陸續偷渡漢江適經

畧參贊兩路勁兵在陝會合正可趁此機會一鼓殲除尤爲辦賊喫緊之際所有糧餉一切關係緊要陸有仁所奏辦餉支絀自係實在情形朕亦爲此日夜焦心茲再發給餉銀六十萬兩以資接濟現在浙省有解京捐監銀二十萬兩業經在途已飛令迅速解陝又部軍內現有撥甘肅例餉銀一百萬兩卽日起解此項餉銀過陝時卽著陸有仁

再截留四十萬兩奏成六十萬兩之數其甘省例  
餉內短銀四十萬兩此間已另爲籌撥足數矣此  
項餉銀到陝後計可敷二月分之用無虞缺乏至  
甘省例撥餉銀亦關緊要陸有仁不得於此外再  
有多截惟當就此六十萬兩之數將現在需用軍  
餉妥爲籌畫以期源源接濟無悞供支並當隨時  
留心撙節爲要

上又命軍機大臣傳諭直隸山東江蘇各督撫曰現在剿捕教匪大功將次告成經畧額勒登保叅贊德楞泰兩路大兵在陝境會合指日蕩平所有陝省軍需餉銀正資接濟前據浙江省奏報有解京捐監銀二十萬兩業已起解尙未到京著直隸山東江蘇等省各督撫查明此項銀兩現在解至何處卽由何處解往陝西交與陸有仁收貯並飭令

該委員及沿途地方官小心押解迅速償行不可  
遲悞

上諭內閣曰現在大功將次告竣一切善後事宜自  
應寬爲籌備著將浙省解京捐監銀二十萬兩徑  
解陝省再於部庫內撥銀二十萬兩廣儲司庫內  
撥銀二十萬兩解陝交陸有仁存貯備用

欽定剿平三省邪匪方畧正編卷二百三十一

辛酉年

正月二十日

丁酉

書麟倭什布長齡奏言竊

臣等

於元旦四鼓由竹山之保豐田家壩等處進兵

初五日馳抵房縣探知該匪分作數股一由寶

石店爲西竄竹谿之路一由官渡河爲西竄房

縣之路一由上龕爲東竄保康南漳之路稍折

向南卽通興山遠安荊門州一帶爲賊匪從前

出沒熟徑

臣

等竊思兵分固易見單但該逆如

此分投竄擾必係逆料房縣南境萬山僻阻冰

雪寒途官兵未必能即日趕到且東西北三面

乃係腹地尤易掠食諒官兵未必處處兼顧其

狡獪伎倆可恨已極

臣

等一面知會孫清元吉

林泰等從倉坪一帶自北而南

臣

書麟明亮由

壽陽坪一帶自東而西

臣

倭什布長齡由獅子



嚴一帶自西北而東南三面兜截使其無路逃

生臣等與兵勇人等俱不攜帶鑼鍋帳房一體

裹帶五日乾糧分道遡進房縣迤南保康迤西

羣山合沓窄險萬狀維時積雪融化泥深沒踝

官兵步步援臂攀陟臣等時加訓勵俱各賈勇

直前孫清元吉林泰一路官兵距賊更近當於

初四日四鼓派令竹山軍功陳九思帶領練勇

先往探迎賊蹤行抵天池堽突見騎馬賊二百餘人步賊千有餘名蜂擁而來該軍功督率練勇連環鎗擊一時之久匪衆連撲數次不能搶上適守備孫鈺千總桂永泰等帶領襄宜二鎮官兵一聞鎗聲舍馬趕到斃賊一百餘名生擒二十一名匪衆知此路不能竄越遂卽折向東南而逃

臣

倭什布長壽正在踣路前進節據兵

勇探報匪徒分爲三路一向北去一從西來其餘大隊直往東趨賊情詭譎不過使我兵不能兼顧以逞其紛擾下竄之計遂卽督率馬步兵勇分隊迎截趕至白玉坪該匪約有二三千人早已各佔山勢吶喊抗拒直撲兵勇我兵憤恨已極無不奮勇爭先立斃執旗馬賊一名步賊二百餘名該匪拚命抵敵尙未敗退臣等見危

巖仄坡冰雪積厚馬力不能舒展遂令東三省  
勁旅奮勇兵勇步行搶上山梁再往下壓鎗箭  
到處無不應聲而倒又斃賊一百餘名該匪慌  
亂四散逃竄官兵儘力追殺

臣

書麟明亮揣度

賊情決意東竄是以由壽陽坪塽磨坪隨撫隨  
剿忽被匪徒齊向東來當卽曉諭將領該匪狂  
奔而來賊勞我逸以逸待勞無不制勝利在速

戰不可待其喘息必當先得地勢使之無從措

手臣明亮督率將領等奮勇迎敵賊衆未及齊

隊我兵早已衝入刀砍矛戳斃賊二百餘名被

裹難民一閃而散拋棄騾馬器械旗幟墊滿道

路該匪情急回奔適值臣倭什布長齡由西追

剿孫清元等北面截殺三路合擊兵勇無不以

當百沿途俘戮復計殺賊二百餘名生擒活

賊三十五名乘勝跟追四十餘里直至土地嶺

臣書麟帶兵策應察看前途更加險窄時已向

晚遂佔住大石坡山梁紮營一面傳喚附近寨

民協同兵丁踰明路徑速行進擊當將獲犯嚴

訊內熊壽昌一名據供徐掌櫃手下總兵熊芳

青之弟王必勝等三十五名俱是頭目戰手今

早陣上鎗斃總兵魏以榮現有探馬三百餘匹

矛手四五千人大小旗三百餘桿鳥鎗二百餘  
桿礮三十餘位男婦幼孩又有千數人徐掌櫃  
與元帥張允壽連日計議常在深山不得糧食  
終非安身之處不如分爲幾股使官兵不能處  
處顧到我們就可起到房縣保康南漳襄陽或  
至興山東湖一路糧食滿足可以擄掠度日并  
聞陝西官兵甚衆差人前往約會未經渡江同

教之人都到楚省勢衆就可站住今早進兵時  
徐掌櫃與張允壽俱在後隊並未趕上現逃何  
處實不知道查驗熊壽昌身受鎗傷甚重卽行  
樹割戰手王必勝等均亦正法其餘被裹良民  
給票釋寧該匪經此三路兜剿遂向洪坪向家  
壩平口河一帶竄走該處北通竹谿南通川省  
大寧縣界若不趁其亡命竄伏之時悉數殲除



勢必仍回川省臣等現在合圍搜剿務卽在楚

境翦除不使稍留餘孽此次打仗兵勇間有損

傷容俟查明咨部辦理再臣等昨因徐逆一股

蔓延腹地亟須合兵剿辦未能兼辦遠竄之高

二是以分兵派令副將朱士奉在竹山之得勝

坡一帶堵截竄楚之路嗣據朱士奉稟報該匪

已向洵陽北竄離楚較遠等語本日又據署竹

谿縣郭淵極稟稱關垵鄉勇探有不知姓名賊  
殷竄至平利之長崗嶺向汝河一帶滋擾該處  
距竹谿城只一百四十餘里等語臣等仍飭該  
副將於邊界擇要嚴密堵防以杜竄越如果賊  
匪勢衆該副將所帶兵力較單臣等再當隨時  
酌量情形分兵前往接應

書麟倭什布又奏言竊臣書麟自抵軍營已經

半月伏念湖北用兵至今我

皇上宵衣旰食惟以綏寇寧民爲要迄今五載賊蹤  
仍然出沒間閭仍未安居卽以鄖陽各屬而論  
萬山叢雜路路可通賊匪遇食便掠遇屋便歇  
不必携帶鍋帳執持一械卽可到處橫行官兵  
則來往深山窮谷中無從買食勢不能不有裹  
帶且有糧運隨其後累重十倍於賊有時該匪

捨命狂奔不拘僻阻山路日行一百七十八里  
不等官兵兼程追逐驟然遇賊業已人困馬疲  
不能得力卽或痛剿一二陣該匪料難抵敵又  
分作數十股四散遁逃鑽入箐林夜則舉火嘯  
聚或探聽官兵所在從小路繞至其後多方牽  
綴不但兵力易疲抑亦難於兼顧皆因賊情狡  
猾忽靡常兵甫集而賊已竄去兵甫撤而賊

又踵來以累重之兵剿輕便之賊窮追跟剿終  
屬賊逸兵勞往往追出數百里之外後路不知  
前敵所在糧運時塞時通種種掣肘情形難以  
枚舉臣書麟倭什布長齡會同明亮及孫清元  
吉林泰等再四熟籌莫若於扼要處所設立營  
座安置重兵平時勤加操練養精蓄銳旣免日  
日拔營之勞探有賊蹤發兵馳往不必太遠察

看何路緊要卽向何路截剿追至一處卽有一處接剿以各營生力勁兵接剿遠來疲賊卽剿卽堵可期節節應手臣等此數日來進山剿賊逐節查看披圖指商其應行防堵各處恪遵

聖明訓示叅酌地勢情形稍有端緒查楚北邊陲與川陝犬牙相錯有二千七百餘里卽以兩縣而論竹谿邊地錯處平利之間出楚卽入陝過陝

又屬楚賊蹤一蹶可至而兩省均各不寧且三省邊界俱係重巒疊嶂若欲無處不防無處不堵安得如許兵勇匝布森排斷斷無此辦法且賊情詭譎兵少則視之蔑如兵多則不難繞道其老林仄澗人跡不到之處甚多縱未必日日遇有賊警而以有用之兵孤懸幽僻瘴毒之地糧運險遠疾病不時該兵勇不能自顧其身焉

能禦賊伏思安兵原以衛民與其荒山絕澗中  
設立戍守賊在腹地竄擾而邊卡鞭長莫及自  
應通籌全局於各縣扼要處所因地設兵將山  
咀邊卡兵勇酌量抽撥撤歸分布要口但須併  
力守我有糧有民之區逼賊竄入無人無食之  
地該匪無所施其伎倆不過數月自就漸滅查  
湖北屢被賊擾各府州縣約其數十處而鄖陽



屬之鄖縣房縣竹山竹谿宜昌屬之巴東與川  
陝接壤跬步皆山路逕又極叢雜較之他郡形  
勢更爲喫緊鄖縣以鮑家店爲要隘房縣以化  
龍堰爲要隘竹山以保豐爲要隘房縣竹山交  
界處所以官渡爲要隘竹谿以峯溪爲要隘巴  
東以西瀼河爲要隘擬於各該處各安步隊兵  
二千餘名共需兵一萬二千餘名至鄖西一縣

西北二面俱係陝境東北卽係豫省門戶賊匪由陝而入卽西原爲假竄豫省之計應與豫省無分畛域一體協辦堵防以上各處惟巴東之西襄河卽西之蒿坪向曾設有營座請仍其舊其餘各處現卽趕緊安設所需糧餉軍火等項卽責成各該縣就近運供中間離隔寫遠設卡募勇以備常川偵邏本係土人往來熟徑探信

當較得實但查現在酌抽邊卡之兵不過二千  
合之現帶征兵五千餘名共七千餘名以之派  
堵各要口尙少五千餘名此時自未便再從各  
省征調致滋糜費臣等悉心籌畫查原調各省  
征兵五年以來陣傷亡故及病廢遣回原省者  
爲數實屬不少一面查明飛咨各省補足缺數  
迅赴楚營約計尙可足數分派其向設竹山竹

谿房縣沿邊各卡固未便全撤應就其地勢險  
易酌留兵勇百名或數十名派令本地營汛弁  
員帶領鄉勇頭人二三名專司哨探賊遠五日  
一報近則按日具報使內地各營刻刻聲息相  
通便於準備至遠安當陽荊門穀城均州南漳  
保康興山東湖歸州鍾祥宜城襄陽等處皆係  
賊蹤往來熟徑諄飭文武員弁率勇嚴防自爲

捍衛務臻鞏固其應議詳細章程隨時奏請

聖訓再卽襄荊宜各屬築立堡寨或數十戶或三四  
百戶一經賊至大者力能自衛小者力不能支  
糧食牲畜間爲賊有是藉寇齎糧賊之接應日  
增官之防範愈難關係甚大

臣

現復通飭各地

方勸諭居民曉以利害就其村落裁撤小寨歸  
併大寨協力守望其屢經蹂躪力難捐築之處

酌量動項興修與官兵營座聲勢聯絡可收堅  
壁清野之效再查湖北嘉慶五年分帶徵元二  
兩年正耗漕糧前經奏准截留六萬石其餘六  
萬七千七百餘石灑派各船解運查此項截存  
米石原以儲備兵糈臣書麟自去臘行入楚境  
所過荊門宜城襄陽穀城均州等處民間凋散  
情形目不忍睹茲與臣倭什布等帶兵剿賊見

皇上撫卹蠲緩疊沛

殊恩是以甘與賊讐不爲賊黨聞前此曾有狡賊裝  
作官兵賺入堡寨之事現在採信兵役過境各  
寨尙有戒心必得查驗憑據方准出入伏思剿  
賊之法先以固結民心培養民氣爲第一要務  
撫輯得宜則賊猶是民任其失所則民卽是賊

臣  
等仰體

皇上痼瘕在抱不忍一夫不獲之意合無仰懇



恩施格外將應行搭解之帶徵漕米六萬七千七百  
餘石一併截留以備賑卹之用現當開兌之期  
臣等已飛飭藩司孫玉庭督同代辦糧道武昌  
府張璿且緩漚派搭解恭候

命下之日另行飭知遵辦

臣

等通盤核算以楚省之

糧供楚民之食既免囤戶居奇兼省長途運費  
於難民口食實屬大有裨益再荆襄宜一帶民

情均爲寧謐惟川省商販較稀糧價尙未平減  
其具報得雪各州縣春收尙須有待青黃不接  
之時應請酌量平糶俾含哺果腹共飮

皇仁再襄陽縣漢江北岸之呂堰雙溝黃龍壩等處  
從前被賊焚擾較他處爲甚雖漸次回歸復業  
而顛連日久播種無資其中兼有悔罪投誠及  
被裹逃回之難民上年雨水稍愆秋收較薄恐

窮黎無從得食

臣

已飛飭襄陽守礪穀煮粥於

各該地方普加賑卹派委妥員分段經理毋得  
假手胥吏務俾小民均霑實惠其碾動穀數俟  
停賑後另行籌款買補足額

書麟又奏言

臣

等會商每營駐兵章程原因賊

匪四散窮追無益是以擇定要隘安設營座賊  
至卽予擊剿此以少勝多以逸待勞之一法統

計現有之兵尙屬不敷派撥若將長齡明亮所帶官兵扣出未免更單刻間准長齡咨到欽奉

上諭此時高二及黃號賊匪屢經官兵剿殺窮蹙奔逃自當乘勢跟追以期殲除淨盡但長齡係湖北總兵仍當兼顧楚境不可隨賊所向儘力跟追等因伏思楚省防堵雖嚴但長齡等帶兵遠赴他省難保別股賊匪不又乘間踵至統川陝楚三

省而論剿則不分畛域堵則各守邊防庶賊匪  
無隙可乘自然速就撲滅臣等籌設之鮑家  
店官渡河等六處各官兵二千餘名刻刻以剿  
辦爲事並非尋常邊塞設防可比必得大員統  
領方克有濟長齡係本省鎮臣督剿經年士卒  
皆爲所用明亮在楚剿賊最久威望素著且川  
陝兩省俱有重臣督剿其得力總鎮大員亦復

不少若長齡明亮遠道跟追在川省尙無損益  
而楚省少此二人甚形掣肘臣不敢不據實直  
陳可否仰懇

皇上天恩飭令長齡明亮暫行專辦楚省剿堵事宜  
倘有近楚之賊仍卽儘力剪除爲捍外衛內之

計再臣欽奉

諭旨明亮前在金川曾與書麟共事會同在楚省辦

賊書麟自當勸令加倍奮勉以圖補過桑榆等因  
查明亮世受

國恩歷辦軍務迄今三十餘年從前臣在金川共事

最久其諳練軍旅機宜實為臣所不及此次剿

辦教匪五年之內將士用命匪徒畏憚卽如剿

洗孝感逆匪及姚之富齊王氏等股匪衆俱能

迅速成功現與臣同在楚省辦賊一切皆資其

力當卽遵奉

恩旨面加諄勸明亮伏地碰頭惶悚感涕之誠不可  
言狀現在臣等會營一路此後或合或分總須  
隨時酌量倘明亮另爲一路得有勝仗卽應迅  
速馳奏以冀仰慰

聖心可否仍准明亮列名奏事之處出自

皇上格外天恩均奏入



上命軍機大臣傳諭青麟倭什布長齡曰徐添德一  
股經額勒登保長齡等節次奏報由楚竄陝彼時  
朕已知此股竄匪必係高二並非徐逆今據青麟  
奏徐添德仍在房縣一帶分投奔竄未離楚境果  
不出朕所料書麟等此次督飭將弁由壽陽坪等  
處分路兜截官兵不避艱險步步援臂攀陟奮力  
剿殺先後斃賊八百餘名生擒五十餘名並臨陣

鎗斃僞總兵魏以榮一犯所辦俱好書麟年近七旬當此冰雪沍寒不辭勞瘁親身督兵進剿如此忠勇必能成功尤爲可嘉之至書麟著賞給鑲寶石帶頭玉搬指大小荷包以示獎勵俟成功時再施厚賞此時徐逆經痛剿之後勢極窮蹙書麟等務須乘此機會卽於楚境將首逆徐添德及張允壽等設法殲除如臨陣生擒遵照前旨卽在該省

凌遲傳首示衆至前此降旨諭令長齡明亮追賊  
赴陝原因高二並黃號賊匪及陝省奏報徐添德  
等先後竄至陝境楚省已無賊匪是以令伊二人  
跟蹤追擊今徐逆旣在房縣一帶奔逃長齡等自  
應在彼將所帶勁兵會合剿殺以期迅速集事卽  
徐逆辦竣而高二賊股竄過漢江北岸距楚已遠  
長齡明亮祇當在楚省邊界緊要地方嚴密堵剿

毋使他股賊匪闌入亦不必復行越境剿辦又所  
奏剿堵大概章程據稱兵甫集而賊已颺去兵甫  
撤而賊又踵來以累重之兵剿輕便之賊終屬賊  
逸兵勞等語此五年以來剿辦教匪受病處在此  
其所稱併力守我有糧有民之區逼賊竄入無人  
無食之地二語最得要領書麟等之意不欲於處  
處設卡多煩兵力但擇扼要處所設立營座安置

重兵卽剿卽堵以期節節應手辦理俱是惟所稱  
原訓各省征兵病廢遣回者不少一面查明飛咨  
各省補足缺數迅赴楚營一節未爲妥協他省精  
銳之兵孰肯概行調發其召募之兵亦係新入營  
伍者於剿堵未能得用卽如上年直隸等省調赴  
陝豫防兵大半不甚得力當經該撫奏明撤回此  
其明驗似不如於本省酌量添募練勇勤加操演

分撥沿邊各卡既可收其實用且不致往返徵調  
有稽時日至明亮前以剿賊遲玩獲罪革去總兵  
降爲藍翎侍衛嗣因剿捕出力擢陞二等侍衛並  
作爲領隊大臣近日明亮帶兵打仗亦屬奮勉此  
後仍准其列名於長齡之後一同奏事

上諭內閣曰書麟等奏楚省被賊擾害地方民力不  
無拮据請將截存之帶徵漕米暫緩搭解以備賑

卹等情該省軍務未竣需用糧石較多且本年全  
漕抵通亦可無需此項漕米著照所請所有嘉慶  
元年二年正耗漕糧除已截留六萬石外其餘六  
萬七千七百餘石著加恩一併截留該省備用

同日德楞泰奏言

臣

前在西鄉途次接准額勒

登保知會趕至漢陰雙乳舖會合熟商軍務大  
局據報徐添德並黃號股匪已自洵陽渡江北

竄恐其逼近豫楚臣等商定額勒登保仍趕往

督剿高三馬五王廷詔等逆臣帶領官兵卽赴

洵陽一帶緊顧東北豫楚之路於初六日由安

康取道洵陽探蹤前進途次接據探報前次渡

江之賊係高二匪黨因股內亦有青號賊匪是

以各處誤報等情查高二在衆賊中最爲兇悍

又係襄陽起事首惡楚豫地勢最爲熟悉尤不



可令其東竄因思該匪在洵陽大棕溪渡江係  
十二月二十八日相隔已八九日賊蹤已遠

臣

焦急莫釋鼓勵兵勇連日兼程前往日行百二  
三十里不等途次探得該逆竄至鄖西邊界希

圖竄楚因有湖北道員恒慶在蒿坪設卡堵禦

遂向東走

臣

探蹤緊躡十一日趕至山陽縣屬

之洞溪河探得該逆已由黑山折至該縣東北

五里之乾溝屯聚戍刻又據山陽縣知縣謝濟  
經稟稱賊匪現在乾溝探馬已至東關縣城內  
外百姓驚慌請卽發兵救援

臣

查乾溝地方距

城不過五六里該逆若由高壩店東走卽至漫

川關或入楚界或奔豫境均爲可慮必應截其

東竄之路爲要二更時

臣

卽發兵分爲兩路令

賽冲阿溫春色爾滾富僧德蘇爾伸明德穆騰

額富登阿蘇凌阿李應貴唐玉龍馬元李東山  
等帶領馬步官兵抄出高壩店迎住賊頭由東  
向西截剿

臣

帶領阿穆勒塔馬瑜達勒精阿慶

昌克星額扎呼岱西凌阿蒲尙佐達自祥馬應  
國張應貴何占鰲曾壽等帶領馬步兵勇由山  
陽之五里鋪直進乾溝由南向西北兜剿十三  
日黎明兩面官兵分路並進時賊正當起營忽

被我兵兩頭截住奮力夾擊攪殺一處該逆驚  
慌潰亂時賽冲阿射中賊肩該逆愍不畏死持  
矛直撲我傷賽冲阿所乘之馬當有吉林藍翎  
驍騎校春盛保將賊人射斃復有一賊衝來將  
春盛保右腿扎傷卽被我兵亂箭射斃又甲兵  
色克津保衝入賊隊生擒指揮督戰賊目一名  
賊衆齊來奪搶當被亂箭射退賊始披靡我兵

鏖戰良久立斃賊匪七百餘名生擒男婦八百  
餘名其中尙有帶傷者甚多又有馬前投出難  
民二百餘名賊衆大敗丟棄騾馬衣物紛紛扒  
上左面高山猶敢擲石如雨捨命抵禦旋向北  
逃<sub>臣</sub>恐其竄出商州蔓延藍田等處當令蒲尙  
佐達自祥李應貴德英額等帶兵尾追<sub>臣</sub>帶領  
馬隊卽由下關坊繞出賊前遏其去路沿途又

殺賊四百餘名

臣

等趕抵寬坪該匪在西樓山

梁看見我兵已將去路截住折回秋水溝西竄

時已昏暮暫爲紮住計此次共殺賊一千餘名

奪獲騾馬四百餘匹頭鳥鎗一百餘桿刀矛六

百餘件旗幟二百餘面投出附近難民二百四

十餘名口俱卽隨時釋放獲犯一千三百十餘

名口當令建昌道石作瑞知州鄒翰知縣徐如

灝等連夜審訊其臨陣生擒賊目訊係傳教老師龔如一並襄陽河南賊匪阮明照等三十一

名從賊日久之甘泉潤等四百三十六名訊明

後一概分別辦理其被脅男婦大小難民徐相

廷董曹氏等八百六十四名口適商州知州陳

祁來營

臣

卽令其逐一按道里遠近照例給與

銀米路票遞送各原籍安爲安頓

臣

仍另冊移

谷撫臣陸有仁查照辦理所獲馬騾均已賞給  
出力兵勇刀矛鳥鎗旗幟等項交商州貯庫訊  
據龔如一供稱係湖北襄陽人年五十歲嘉慶  
元年與高均德同時起事因我習教最早俱稱  
爲老教師營內是高二爲首手下有兩個元帥  
一名閻慎珍一名閻慎高高二名高添升高三  
名高添得是叔伯弟兄與高均得一族他們原



與馬五一營去年四月內在龍安出來因爭路口角彼此不和高三馬五同做一夥先走高二領閭家兩弟兄一路行走到處擄人去年臘月二十八日在洵陽大棕溪地方假充官兵騙船過江原有三千餘人高二與我商量大兵都在西面要乘空攻搶山陽縣城直向東往河南去不料大兵緊急我們不及防備被殺被擒者甚

多等供隨將割獲首級令其指認內有元帥閻  
慎珍探馬頭艾文舉大旗手趙坤三犯其餘俱  
係戰手並無賊目復令各犯互相指認僉供無  
異第此股賊匪三千餘人除殲擒投出外現在  
所剩不過七八百人未能剿洗淨盡而首逆高  
二尙未成擒臣實在憤懣激切之至旋探該逆  
已由下關坊折向西南狂奔當令賽冲阿溫春

色爾滾等帶領侍衛將備馬步兵勇三千餘名

於是夜五鼓躡蹤緊追臣亦卽趕緊前進再查

樊人傑等股賊匪已由寧羌竄入楚境臣前與

額勒登保會商時恐川北一帶七十五一路兵

力不能兼顧卽令楊遇春格布舍帶兵追躡入

川剿辦是川省已可無慮頃臣接額勒登保來

信將馬五高三之賊連次剿殺追至洋縣所屬

之四畝地一帶諒不日即可掃除

臣

惟有將高

二敗殘餘匪趕緊剿辦務期剋日掃蕩則漢江北岸肅清卽當與額勒登保渡江分投剿辦各股賊匪自更易于蕩事至此次打仗陣亡受傷滿漢兵勇數名容俟查明咨部辦理奏入

上命軍機大臣傳諭德楞泰曰上年春間川匪竄過嘉陵江德楞泰帶兵出甘肅到川西卽將賊匪痛

加剿殺生擒首逆陳得倖箭傷冉添元肅清川西  
地方曾加恩晉爵一等子嗣因黃白藍線等股由  
川竄陝降爲男爵旋又將首逆楊開第齊國謨嚴  
斃復晉三等子爵茲德楞素纔抵陝境知漢江以  
北各股賊匪正在竄擾卽渡江與額勒登保晤商  
帶兵趕赴山陽親率將領等連夜發兵分路並進  
繞出賊前奮力截擊殲擒僞元帥閻慎珍傳教首

逆襲如一共殲賊一千八百餘名將餘匪逼向西  
南其功甚大與剿淨川西賊匪相等德楞泰著加  
恩給還一等子並賞給玉搬指四喜大吉玉牌大  
小荷包至賊匪被官兵截住攬殺一處該逆驚慌  
潰亂時賽冲阿射中賊肩該逆持矛直撲戳傷賽  
冲阿之馬當經吉林藍翎驍騎校春盛保將賊射  
斃賽冲阿殺賊奮勇著賞給青金石搬指大小荷

包並交部從優議敘春盛保著陞補防禦賞換花翎甲兵色克津保衝入賊隊生擒指揮督戰賊目亦屬奮勇著拔補驍騎校其餘打仗出力各員著德楞泰查明具奏交部議敘發去火鑲包順袋各十件著德楞泰分賞軍營出力人員以示獎勵高二二股賊匪屢次戕害大員最爲兇悍前由洵陽竄過漢江北岸朕卽以爲必係高二而節次額勒

登保等所稱徐添德竄出楚境由洵陽過江之語  
恐未確實今先閱書麟奏報徐添德果尙在房縣  
一帶奔竄經書麟等截剿殲斃八百餘名大獲勝  
仗及遞到德楞泰在山陽痛剿高二喜報內稱前  
次渡江之賊係高二匪黨亦有青號賊匪在內是  
以各處誤報等語是由洵陽渡江者果係高二而  
徐添德現在房縣皆不出朕所料此時高二一股



經官兵痛剿之後所剩不過七八百人實已十分窮蹙折向西南逃竄德楞泰先令賽冲阿等蹣跚緊追伊亦趕緊前進無難剋日殲除不必以此次高二尙未成擒過於焦急當乘此次軍威勝勢奮力截擊將此股兇悍之賊先行剿淨肅清陝境再加恩獎至摺內所稱接到額勒登保來信將馬五高三賊衆連次剿殺追至洋縣之四畝地一帶尙

未據額勒登保奏到想提音自己在途德楞泰與  
額勒登保將北岸各股賊匪悉數殲擒後剋日渡  
江視何股賊匪緊要卽先行剿辦所見甚合機宜  
伊二人或分或合朕亦不爲遙制總期於三月以  
前一律蕨功同膺懋賞計日以待提音之踵至又  
據稱樊人傑等股賊匪已由寧羌竄入川境朕甚  
不放心茲額勒登保德楞泰恐七十五一路兵力

不能兼顧已令楊遇春格布舍帶兵跟蹤所辦甚  
是又據勒保奏到現在趕赴川北已降旨諭令飛  
咨楊遇春格布舍兼程前進上緊會剿並嚴防嘉  
陵江岸不令竄越至所稱高二於上年臘月由洵  
陽大棕溪地方假充官兵騙船渡江一節已諭知  
額勒登保嚴行查究矣

上又命軍機大臣傳諭額勒登保曰據德楞泰奏到

痛剿高二大獲勝仗情形並稱接額勒登保來信  
將高三馬五之賊大加剿殺已追至洋縣所屬之  
四畝地等語尙未據額勒登保奏到想提督業已  
在途不日即可遞到至高馬等逆先後偷渡漢江  
節經降旨令額勒登保將該處疎防官員查明叅  
奏今據德楞泰奏訊據獲賊供稱高二於上年臘  
月二十八日由洵陽大棕溪地方假充官兵驅船

渡江等語賊匪偷渡漢口若在無兵處所晒淺北  
竄尙可以未及防備爲詞今高二竟敢假充官兵  
騙取船隻此等有船處所豈無防守之員早應將  
船隻概行停泊對岸並派兵役在彼巡查遇有賊  
匪竄至其行徑自與官兵迥別且係大股之賊人  
數衆多何至爲其所愚騙船駕渡殊非情理必當  
嚴行查究著額勒登保查明高二偷渡之大棕溪

地方係何員在彼防守該處停泊係何項船隻何以漫無覺察致任賊衆騙取過江卽將該處疎防之員指名嚴叅辦理以示懲儆此時額勒登保進剿高三馬五等逆已獲勝勢自可不日殲洗而高二股經德楞泰痛加殲戮所餘匪衆無多亦自易於撲滅一俟此兩股賊匪辦竣後額勒登保應卽會同德楞泰過江督剿漢南之賊何股緊要卽

將何股先行剿辦朕亦不爲遙制總期於三月以前將各股賊匪以次殲除一律蕩平歲功奏績共膺懋賞至前據奏徐添德一股竄至江北一節朕早料及必係高二今德楞泰打仗得勝訊據賊供並無徐添德在內現據書麟等奏報剿辦徐添德一股殲賊八百餘名是徐添德並未竄陝足見前次探聽不實已諭令陸有仁等嗣後嚴飭地方官

細心確探矣

同日勒保奏言竊臣前在大寧白馬廟一帶督

剿藍白兩號竄匪於十二月二十五六七等日

連獲勝仗餘匪數百人遁入馬家營一路老林

又聞湯家壩紅池壩等處均有賊匪闖入亦須

兼顧當卽飭令總兵託雲泰由城口一路帶兵

截剿馬家營竄匪嗣據署大寧縣鍾蓮稟報湯



家壩之賊經該處團勇截擊已折向後坪由沿  
河退去此股賊匪本從沿河闖入並非由楚竄  
來又紅池壩之賊有報稱湯思蛟一股者有傳  
係包正洪餘黨者尙未探實近聞大兵將到又  
鑽入尖山壩一帶勢必遁入太平老林是此二  
處賊匪尙俱不甚緊要正月初三日據託雲奏  
稟報率同叅將李芝榮帶兵在寒溪寺葱子坪

等處趕及馬家營竄匪殺斃賊目張老八並餘  
匪數十名生擒彭國元等三十二名因冰雪甚  
大未得窮追

臣

卽飭該鎮趕緊搜捕或轟賊出

山以便兩面痛剿乃初四日接准德楞泰來信  
知辛聰阮正潮李炳陳朝觀張世龍顏勝可魏  
棒棒等各逆俱折向西來德楞泰業已赴陝未  
能轉回剿辦刻下嘉陵江水枯灘淺更關緊要

恐七十五不足深恃囑令臣留意當與阿哈保

等商酌川東既無大股賊匪自應將老林之賊

專交託雲泰剿辦此時局面又當以川北爲重

查託雲泰一路兵勇共有三千名以川東刻下

賊情而論尙可交令該鎮辦理臣一路兵數本

屬無多勢難再行分撥且嘉陵江尙須添安兵

勇是以一面飛飭託雲泰相機剿辦川東老林

餘匪

臣

一面卽帶現有之兵於初八日回至開

縣適據廣元一路文武稟報有賊匪約五六千

人由寧羌州黃壩驛一帶竄來繞過七盤關已

至轉斗舖地方焚掠距朝天關不過十餘里等

語臣聞信倍深焦急查陳朝觀等股賊匪近已

折竄南江此由大道竄來自係另夥無疑因思

樊人傑王士虎冉添士等股現聞有由沔縣畧

陽入川之信如果係樊竹等逆竄來而七十五  
現在南江設被陳朝觀等逆牽綴則此股竄匪  
後無追兵前無攔截必致蔓延且賊匪一到朝  
天關卽係嘉陵江上游該處又逼近白水江不  
拘何處蹈淺過河均可直達川西大有關係前  
調總兵張志林甫經到彼雖已會同川北道李  
鎡就近抽調兵勇盡力嚴防但力量單薄甚不

放心臣現又飛咨七十五速由南江捷徑直赴

廣元迎截先顧江岸臣於發摺後卽連夜兼程

前進直趨保寧一面兼顧江防一面探賊截擊

計算程途須於十八九日內方能趕抵保寧實

屬萬分焦灼俟抵前途查探如何情形再行相

機辦理

勒保又奏言竊臣接奉

上諭兩道一以地方官不能實力禦賊責成督撫令  
各府州縣認真團勇防守堵截並令邊員更調  
出示曉諭仍將如何籌辦之處先行具奏一以  
德楞泰業已赴陝總須兼顧川省並令臣籌畫  
防堵嘉陵江一俟將川東賊匪剿淨卽回川北  
與七十五會合進擊老林竄匿之賊尙有何策  
可以速平賊匪著將如何設法布置之處迅速

覆奏等因伏念此次教匪滋事雖不過內地亂  
民而其東奔西竄實屬萬分狡譎川省堅壁清  
野之法行之有效者地利居其半人事亦居其  
半賊匪往來滋擾地方如廣元昭化蒼溪南江  
通江巴州閬中儀隴營山渠縣大竹廣安鄰水  
岳池江北長壽達州新寧東鄉太平忠州梁山  
墊江酆都開縣萬縣雲陽奉節大寧巫山等處



地方官均經臣遵

旨逐加遴選更換得人現俱強幹有爲卽或有一二  
年老者平日又甚得民心足資倚任督辦團勇  
之大員除本任道府不計外委員中如陳預方  
積劉清淡士灝周景福等均係好官實能得力  
地方百姓經節次出示曉諭亦深知禦賊卽以  
自衛頗肯出力是以時有賊擒首逆及緝獲摸

椿餘匪之事然團勇究不如兵丁之訓練文臣  
自不若武將之知兵祇可因勢利導鼓其氣而  
激勸之尙足以資得力若遇大夥賊來必責地  
方官民以衝鋒禦敵其勢實有所不能就

臣愚

昧之見辦賊之道剿堵撫本並行而不悖以目  
下賊情而論剿爲上撫次之堵又次之川楚陝  
三省地方本極遼濶又多崇山峻嶺處處有路

可通兵勇擇險拿營人數本不甚衆賊至固可  
截堵無如賊知此處有兵又向附近數十里地  
方潛逸及至官兵知覺旣懼寡不敵衆又慮緩  
不濟急祇期現安營卡得保無虞卽爲無事斷  
難望其追賊痛殲縱或有一二處追趕得勝者  
亦惟以賊已擊退爲了事不能盡力窮追仍屬  
無益此堵之所以不足恃也老林之賊其意本

欲謀爲不軌且自知罪大惡極心存疑畏不肯  
出投實難望其就撫然賊人惟以裹脅爲事人  
多卽覺勢大自投出免死之

旨一下咸知脅從罔治解散實多多一民卽少一賊  
再得地方官安爲安撫不致復流爲匪所全者  
更復不少此撫之所以不可偏廢也賊匪亡命  
狂奔稍縱卽逝又往往以分股牽綴官兵餘卽

避兵而逃日久裹脅又成大股惟在多得幾路  
征兵庶幾可以處處分追邀擊然每路必得兵  
勇四五千名派令提鎮大員統領爲一路賊合  
而兵亦合賊分而兵亦分不論何股匪衆遇頭  
則擊頭遇尾則截尾有一路之賊卽有一路之  
兵追蹤緊躡賊卽無暇裹脅日剿日衰如此則  
兵氣益揚賊勢益餒成功可期迅速此剿之所

以必須多兵也查陝川征防各兵不下十萬此時通籌全局東北惟豫省必須全力堵防不可使一名闖入西南則嘉陵江仍當分撥兵勇守禦以顧川西完善之區楚省一俟房竹肅清亦當認真防守其餘如川陝邊界老林及漢江等處賊匪往來竄逸本其常事均可毋庸再堵庶騰出兵力自可多得幾路征兵以之分投追剿

於大局寔有裨益

同日陸有仁奏言竊臣連日據報賊匪高三馬

五等一股經官兵連次截剿後由漢陰之銅錢

窖一帶竄至安康鎮安交界之西河經畧額勒

登保帶兵由松樹壩一帶馳赴鎮安兜剿又徐

添德一股由洵陽蜀河黑洞溝竄至鎮安馬鹿

坪叅贊德楞泰帶兵由西河關一帶緊躡追截

又龍紹周苟文明等股賊匪經總兵喜明藩司  
溫承惠等帶兵截剿卽竄至紫陽雙河塘洞汝  
河喜明等正在攔剿賊又分股由安康之左林  
溝一帶竄至平利四郎廟其地可東奔楚境喜  
明溫承惠等趕緊先辦此股卽由磚坪馳赴平  
利大貴坪一帶截剿又楚省高二等股經長齡  
帶兵剿殺已由川楚交界之大花園竄入平利



縣境長齡明亮等跟蹤追剿又冉學勝一股賊  
匪經提督楊遇春節次截殺業已無路逃生現  
在洋縣之九池壩邵家溝一帶老林藏匿楊遇  
春帶兵由周家壩迎頭截擊督臣長齡由洋縣  
金水河一帶探蹤會剿又樊逆賊匪一股由廣  
元南江竄近西鄉邊界之梨壩仁村一帶係太  
平接壤現有慶成在彼防堵臣復派延綏道楊

護前赴西鄉督飭該縣帶領團勇協同官兵堵剿當不致任其闖入又伍逆餘匪一股尙在寧陝廳屬之西河老林一帶潛匿叅將綽克圖通判維昂帶領兵勇至甘家壩一帶攔截又前次安康洧河屯踞之賊卽係高馬龍苟等逆因該處寨堡堅固人心齊集賊匪未能攻破無處掠食不能久住是以俱經分路竄出各等情查陝

省賊匪此時股數雖多俱已十分窮蹙經呂恭  
贊等大兵分投剿辦實有摧枯拉朽之勢自不  
難以次殲除臣一面嚴飭地方官加意團勇認  
眞堵剿一面趕緊籌運糧餉源源接濟並另派  
糧員馳赴平利一帶伺備長齡明亮軍營糧餉  
務期各路士飽馬騰剋日蕩事斷不敢有缺誤  
均奏入

上命軍機大臣傳諭勒保曰勒保因川東現無大股賊匪將老林之賊專交託雲泰搜剿勒保以川北爲重一面飛咨七十五速由南江捷徑直赴廣元迎剿樊人傑等股勒保卽一面直趨保寧兼顧江防相機剿辦所見甚是樊人傑等逆有由沔縣畧陽入川之信該處距朝天關不遠逼近嘉陵江上游又毗連白水江若賊匪躡淺偷渡均可直達川

而之關係深爲慮念勒保現已趕赴川北迎剿  
並嚴飭總兵張志林道員李鉉等抽調兵勇嚴密  
防範勒保尤應萬分留意不可稍有疎解前經額  
勒登保派令楊遇春格布舍緊跟樊逆等賊入川  
會同七十五剿辦此一路兵力精壯勒保卽當飛  
咨伊二人兼程前進上緊會剿並可豫備不虞萬  
一賊匪有偷渡嘉陵江之事卽可會同楊遇春奮

力截剿勿令滋蔓一經攔截賊匪不致渡江卽先行速奏以慰焦厯不必俟大獲勝仗始行馳報也至所奏川陝楚邊界老林及漢江等處屢爲賊匪往來竄逸應騰出防兵分投追剿一節該省老林一帶地界綿長豈能處處設兵防守自可量爲抽撤以資剿賊之用至江岸防守之兵關係緊要必當實力嚴防不可輕議裁撤惟在該督等籌畫萬

全悉心佈置將各股賊匪於三月以前一律辦竣  
不得徒託空言致稽時日

上命軍機大臣傳諭陸有仁曰陸有仁奏稱徐添德  
一股由洵陽蜀河黑洞溝竄至鎮安馬鹿坪叅贊  
德楞泰帶兵追躡等語此股由洵陽竄往鎮安之  
賊前經額勒登保德楞泰奏報朕早料及必係高  
一並非徐逆本日據書麟奏到在房縣一帶剿殺

徐添德大股賊匪殲斃八百餘人大獲勝仗是徐  
逆並未竄入陝境陸有仁近在本省乃於竄陝之  
賊係何賊目尙未知之足見該省偵探不實至所  
稱高二等股經長齡帶兵剿殺已由大花園竄入  
平利境內一節高二等敗竄餘匪前經書麟奏稱  
竄入陝境離楚已遠仍令長齡明亮將原帶之兵  
回楚會剿徐逆一股今陸有仁尙稱長齡帶兵入